








D I S S E R T A T I O

D E

S U B M E R S I S.





D I S S E R T A T I O

D E

S U B M E R S I S.

Q U A M,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

N E C N O N

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

P R O G R A D U D O C T O R I S,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

J A C O B U S M ' D O N N E L L,

H I B E R N U S.

Societ. Reg. Med. Edin. Soc. Extraord.

Nec non

Societ. Phys. Ed. Soc. Hon.

Ad diem 13. Septembris, hora loquoque solitis.

E D I N B U R G I:

Apud BALFOUR et SMELLIE,

Academiae Typographos.

M,DCC,LXXXIV.

Sequimur probabiliora; nec ultra quam id quod
verisimile est, progredi possumus; et refellere sine
pertinacia, et refelli sine iracundia, parati sumus.

CICERO.

Perquam honorando viro

RANULPHO GULIELMO M^cDONNELL,

Comiti de Antrim,

Agri Antrimensis Praefecto,

Honoratissimi Ordinis Balnei Equiti,

&c. &c. &c.

S. P. D.

J A C O B U S M^cD O N N E L L.

Tibi ipsi incognitus, plurimis et maximis in nostram familiam beneficiis cognito, honorato, spectato, spectandoque, has studiorum in re medica et philosophica primitias suo jure dedicandas putavi: Sed non maximae tuae virtutes, ad quas rite laudandas, majori ingenio opus erat, sunt celebrandae. Tantummodo ad grati animi officium fungendum, et ut, ad illas virtutes sive publice, sive privatim et in arcano, quibus nulla per secula gens Antrimensi insignior fuit, exercendas, diu vivas valeasque, precandum orandumque, tam debitus tibi honor quam ingenitus mihi pudor impulerunt.

Datum EDINBURGI,

Prid. Id. Septemb.

E R R A T A.

- P. 1. lin. 6. *dele* comma *post* haec, et *supple post* pariunt
 6. 16. *pro* se-ipsi *lege* se ipsi
 7. 15. *pro* aliquantum *lege* aliquando
 ult. *pro* permanet *lege* permanent
 12. 2. *dele* pro
 25. 10. *pro* propositi nostri *lege* proposito nostro
 27. 2. *pro* fedet *lege* fed et
 5. *pro* inanimi *lege* inanima
 ult. *pro* proprietatis *lege* proprietate
 30. 7. *pro* grandiores *lege* grandiora
 11. *pro* majores et minores *lege* majora et
 minora
 37. penult. *post* philosophorum *supple* et
 40. 3. *pro* propositas *lege* propositae
 48. 15. *pro* moderata *lege* moderatu
 49. 1. *post* thoracis *supple* motu pendent

Mr. Jaffrey with Compl^{ts}
from his friend & humble
serv^t Mr

Arthur

DISSERTATIO MEDICA,

D E

SUBMERSIS.

VITA humana certis finibus continetur.

Quae primum venientibus annis paulatim augetur, sequentibus paulatim imminuitur, et tandem omnino extinguitur. Cumque appetitus nostri voluptati, quam pariunt, haec viribus, respondeant; inde fit, ut, procedente senectute, vita minus sit optabilis, raroque mors matura fortunam desiderandam tollat. Quae res longe aliter in iis sese habet, quos funera immatura abstulerunt. Iis finis tam invitus est, quam aliis lugendus; soletque genus humanum eorum obitum deplorare, qui supersites, de suis, de patria,

A

et

et toto nostro genere, bene merere potuissent. Quod, si rite reputetur, quantae curae, subitaneam a qualibet causa mortem prohibere, debeat esse, ostendit.

Nibilominus de hac re, quod mirum videri potest, vix quidquam, apud antiquos memoria dignum, sive ad contemplationem, sive ad usum spectans, reperitur. Ejus investigationis laus ad recentiores reservata est, apud quos, qui summis rebus praeerant, humanitatem languentem ad rem aggrediendam praemiis excitarunt. Nil ad mortem repentinam ex submersione et causis caeteris prohibendam, ante millesimum septingentesimum sexagesimum septimum Christi annum factum est; quo tempore Batavi societatem ad submersos aqua servandos primi instituerunt. Quorum deinde exemplum pleraeque praecipuarum Europae civitatum secutae sunt.

Ex harum societatum monumentis, plurimisque, quae instituta sunt, experimentis,
multae

multae res verae, multae observationes, his paucis annis provenerunt. Quin et tantus eorum, qui hanc rem tractavere numerus est, tam magna nomina, ut facile quisquam, prima facie, eam prorsus absolutam perfectamque judicaret. Quod tamen longe aliter esse, ii ipsi, qui in hoc studio maxime versati sunt, ante omnes persuasum habent. Cum argumentum cum tot tamque pulchris corporis animati contemplationibus permisceatur, fieri non potest, quin indagatio ejus novas in animo notions suscitet, jucunditatisque et admirationis fons perennis evadat.

Quo clariora et illustria magis sint, quae de hac re differenda putavimus, sinximus quendam pauca temporis minuta aqua demersum, sublatis inde pro tempore actiones, adductumque morbum proposuimus; cujus symptomata ita descripsimus, ut, de iis ratiocinando, principiis quibusdam, quae pro curationis inservirent fundamento, uteremur.

Per

Per totum hoc opusculum, ubique res verae cum ratiocinatione intermiscuntur. Quarum si illae solidae certaeque compertae sunt, inde tractae opiniones non temerariae, non a philosophia alienae, ut spero, judicabuntur. Catenam quasi rationis operis cum quam maxime naturali partium serie ita connectere sum conatus, ut, quaecumque in alio capite traduntur, in alio traditis robur vimque addant. Legentes igitur deprecor, ut ne de parte quavis, priusquam totum opusculum percurrerint, iudicium interponant.

C A P. I.

PHÆNOMENORUM DESCRIPTIO.

S E C T I O I.

I. **C**UM caufarum opera celeriter inter feſe ſuccedant, eoque morbus cito confirmetur ; ſymptomatum igitur deſcriptio brevis quoque ſit neceſſe eſt. Deſinit ſpiritus, ſumma ſequitur anxietas, hanc excipit convuſſio, et interea temporis pulſus paulatim tardantur, debilitantur, non tandem percipiendi.

II. Tota denique machina cum omnibus momentis, horologii inſtar, cujus pendulum ſtat, omnino demum quieſcit. Omnis conſcientiae ſenſus deletur (XVI.), mentisque pariter

ter et corporis facultates prorsus suspenduntur *. Pupillae dilatantur, oculi hebetantur, perit calor, vultusque mortis verae imaginem praebet.

III. Quanto temporis spatio haec in hominibus confumentur, nondum mihi innotuit; quae tamen in canibus paucis minutis perfici comperta sunt. Quin e duobus horum animalium, citius pedibus ligatis, quam qui libere versatur, extinguitur.

IV. Ex periculo cum quadrupedibus saepe facto, semper fere aëris rivos, e pulmonibus, antequam vita extincta videbatur, ruere observavi. Unde, animalia in aquam descendere inter trahendum spiritum, verisimile est. Urinatores periti, priusquam se ipsi demergunt, pulmones inflare dicuntur. Et nonne caecus quodammodo naturae impetus, nandi imperitos, ad salutarem eundem

* Vide "Farther hints upon animation," p. 55. 56. auctore A. Fothergill cui ob multa utilia observata plurimum debeo.

dem conatum dirigit? Pulmonum testudinis aëriferae, ut et quorundam aliorum animalium amphibiorum, cellulae, insolita magnitudine sunt; nonne hoc unam saltem praebet rationem *, quare aëre tam diu carere possint?

V. Si reditura vita est, haec symptomata contrario ordine ei, quo accessere, discedunt. Inferior maxilla tremit, palpebrae agitantur, cor palpitat, musculi spiritui inservientes aegerrime moventur; spiritus primum plurimum laborat, quo labore multi hoc tempore non amplius reditu ad salutem provecto, interimuntur: Aliquantum vomitus cum sonis indistinctis, et nihil significantibus, inter prima redeuntis vitae signa sunt.

VI. Delirium, amentia, mutitas, paralyfis communis, et similia, adfectum hunc aliquando sequuntur, est ubi, per totam vitam permanet.

S E C T.

* Vide Addison's travels in Italy, p. 98.

S E C T. II.

VII. Incisis corporibus, primum magna liquiditas in sanguine reperitur *, neque in venis pulmonalibus a respondentibus arteriis is differre videtur. Epiglottis erecta, glottis aperta, cernitur †. Satis magna subrubentis spumosae materiae vis in trachea detegitur. Ipsi pulmones, sanguine referti, maculas liventes, ex sanguinis extra vasa errore, in superficie ostendunt ‡.

§ VIII. Interdum humoris, in quo animal perit, aliquantum in pulmones transisse, animadvertitur. Quod, utrum ante
vel

* J. Hunter Praelect. De Haen de submersis, passim.

† Littre. De Haen.

‡ Bartholinus ‘pulmones grandes, variegatos, caeruleos, rubore insperso, *marmoris instar*, sanguine ‘spumoso plenos,’ in animalibus quoque strangulatis, se vidisse testatur; Vide Boneti anat. pract. lib. ii. sect. ii. de suffocatione, obs. xxiii. xxiv.

vel post mortem incidit ambigitur. Idem tamen post mortem incidere posse ; hinc patet, quod animalium quae ante demersionem erant extincta, pulmones saepe aqua referti inveniuntur. Raro autem in vita accidit, ut ex magna glottidis sensibilitate credibile est ; quippeque vel lenissimi humoris stimulo in actionem violentam conjiciatur.

IX. Verum ratiocinatio ex eo quod verisimile sit perperam observationibus et experimentis opponitur. M. Louis ex Academia Gallica liquorem tinxit, in quo canem calcibus, pondere ad caput, quo firmitus in verticali positura permaneret, appenso, suspendit. Inciso thorace, pulmonum cavum plurimum hujus tincti humoris continere deprehensum fuerat. Quem igitur a vitalibus animalis actionibus attractum esse manifestum est.

S E C T. III.

X. Idem encephali in fufpenfis et fubmerfis ftatus eft, in utrifque naturalis fere et fanus *. Sed quae partes extra cranium funt, in illis quam his magis tumefcunt. Quae in re duos inter adfectus difcrimen unicum pofitum effe putamus, nifi fi in exemplis perpaucis medulla fpinalis, ex diflocatis vel fractis colli vertebriſ, in fufpenfis adfici concedatur †.

XI. Multa animalia ſola ligata trachea jugulavi, pulmonumque ftatum prorfus fimilem ei, qui in demerfis accidit, animadverti. In utroque caſu, ſanguis aequae

* Morgagni de cauſis et ſed. morb. Ep. xix. De Haen de Submerſis.

† Ex obſervationibus repetitis frangi facilius, quam luxari, ſecundam vertebraſ poſſe, neque ſecundam ſolum, ſed primam quoque, inveniebat Columbus.

que fluens * ejusdemque coloris † reperitur.

XII. Mortem ex suspensione, non a sanguinis per venas jugulares impedito transitu esse, sequentes observationes demonstrant. Aliquis Edinburgi condemnatus, mense Januario anno 1782, licet ne funis vasa ab altera cervicis parte comprimeret cautum erat, non tamen aliis vitalis diutius fuit, nec ad vitam tametsi omnia quae optima factu videbantur, tentata erant, reduci potuit; vix quicquam caloris naturalis perdiderat, cum remedia administrari coeperunt. Cujus experimenti testis erat carissimus mihi ingeniosus imprimis amicus, et condiscipulus, Carolus Throckmorton, sine cujus auxilio, hanc chartam, qualisqualis est, nunquam ad finem perduxissem.

XIII. Swietenius jugularibus canis venis ligatis, cum ab hoc opere vix omnino
adfici,

* Valsalva et Morgagni.

† J. Hunt. Phil. Transf. vol. 66. p. 417.—Loweri Tractatus de corde.—Verheyen, lib. ii.

adfici, cum et postea, multis diebus fecundissima valetudine peractis, pro cerebri inspiciendi causa, ubi nil praeter solitum adparuit, jugularetur, testatur. In simili per vulgati Loweri * experimento aqua inter cranii cutem, sine ullo strangulationis symptomate, sola secuta est. Harderus † cum jugulares externas in mōloſſo vinxisset, soporemque inde cum ictu epileptico expectaret, nihil ejusmodi conspexit.

XIV. Canis, in quo *bronchotomia* facta erat, ita suspensus, ut funis tracheae supra plagam partem comprimeret, sic per 20 minuta temporis permanſit, solutusque valens et vegetus animadversus est. Idem postea, sine his cautionibus, suspensus, paucis minutis motuum expers periit. Hoc experimentum saepenumero, et a compluribus viris, renovatum est; eoque ad opinionem, quam refellimus, evertendam, ipsum
unum

* Tractatus de corde, &c. cap. ii. p. 124—232.

† Eph. N. C. dec. ii.—Vid. quoque Morgagni de caus. et sed. morb. lib. ii. ep. xix. n. 32.

unum satis esse videri posse, nisi in clarissimo monumento, hanc rem, ad quam postea tanquam lucide demonstratam, deinde referendum est, posuisse esset necessarium.

XV. His ex periculis omnia strangulationis symptomata a spiritu impedito oriri, facile deducamus. Quin et idem in immersione fieri; tota hujus tentaminis sententia ad plenum monstrabit. Hanc igitur signorum enarrationem, additis Verulamii verbis, concludamus.

XVI. ‘Memini’ inquit, ‘me accipisse
 ‘de generoso quodam, qui ludibundus, ex
 ‘curiositate desiderabat scire, qualia paterentur in patibulo suspensi; seque suspendit super scabellum se elevans, et deinde
 ‘se demittens; putans etiam penes se futurum, ut scabellum pro arbitrio suo recuperaret, id quod facere non potuit; sed
 ‘tamen ab amico praesente adjutus est;
 ‘ille interrogatus, quid passus esset? rettulit,

‘ tulit, se dolorem non fenſiſſe ; ſed primo
‘ obverſatam ſibi fuiſſe circa oculos ſpeciem
‘ ignis et incendii ; deinde extrema nigre-
‘ dinis ; poſtremo coloris cujuſdam caeru-
‘ lei pallidioris ſive thalaffini ; qualis etiam
‘ conſpicitur ſaepe animo linquentibus *.’

C A P.

* Hiſt. vitae et mortis, operum vol. ii. 179.

C A P. II.

S E C T I O I.

QUI locus in nosologia varios inter vivi corporis adfectus, morbo tribuendus sit, difficile dictu, et ratio in promptu est; utpote cum definitio et divisio summam cujusvis rei scientiam comprehendat. Ad quod negotium eo diffidentius aggredior, quod doctissimo et dignissimo Praeceptore meo, illustri Culleno, cujus doctrinam communem diu jam amplecti et admirari consuevi, non ex toto assentio. *

XVIII. Lancisium, sub titulo ‘ morborum atonitorum,’ omnes subitae virium vitalium suspensionis casus, ad magnum
unum

unum genus recte retulisse, mihi videtur*. De cujus generis, utique in species divisione, neque eo viro assentire, nec quicquam paulo fidentius ipse dicere possum.

XIX. Si quatuor species, prout cerebrum, ventriculus, cor, aut pulmones, primario adficientur, constitueremus, ea distributio ad nullum in usu errorem duceret. Quae tamen, si quis praejudiciis vacuus sit, ut mera fictio luce clarius adparebit. Eodem enim principio necesse foret, tot species constituere, quot causae ullam in genere varietatem constituent. Quas tamen causas numero infinitas esse, notum est.

XX. Is asphyxiae casus, qui post cujusvis artus extremi aut musculi adfectum incidit, aequum distinctionis jus, ac is, qui quemvis thoracis aut ventriculi adfectum sequitur, sibi vindicat. Ipse magnus Lancisius

* De Morte subitanea, lib. 1. cap. xii.

cilius *cerebri* apoplexiam, *cordis* syncopen, et *pulmonum* suffocationem, saepe inseparabiles, et minime distinguendas esse, fateatur: Quin et eandem causam, eodemque prorsus opere, ad omnes hos adfectus, vel quemlibet unum, praestandos, valere * contendit.

XXI. Omnes, quos novi, scriptores sine ullo scrupulo certa inter apoplexiam et syncopen, ut videri velint, diagnostica proponunt. De quibus adfectibus, si ex illorum distinctionibus judicaretur, eos non solum inter se differre, sed toto coelo contrarios esse, nulla dubitatio daretur. Attamen, si inter duos illos adfectus discriminare tam facile esset, ut vulgo dici solet, cur auctores systematici tantopere de morborum, ad unumquodque caput referendorum, natura dissentiant?

XXII. Instrumenta vitalia, seu involuntaria, non tam constanter in apoplexia, uti vulgo

C

inter

* De subitaneis mortibus, lib. i. cap. 12.

inter medicos creditur, agere videntur. In sexta, septima, et nona specie Culleniana*, ni fallor, spiritus et cordis actio raro morbum comitantur. Quae tamen species, quantum video, tot casus comprehendunt, quot reliquae praeterea omnes. Junkerus, de apoplexia fortiore loquens, 'Supremo,' inquit, 'gradu motus vitalis, et sensus plene sublatus est.'

XXIII. Neque in syncope pulsuum aut quietem aut diminutionem, paulo memorabiliorem, perpetuas esse video. Ingeniosus Whytt medicus aegrotantem curabat, quae, nuncio viri mortis adlato, in syncopen incidit, haec decem vel quindecim minuta permanfit, quo tempore, mortui instar, vix tamen mutatis pulsibus, jacebat. Cel. Sauvagesius,

* Apoplexia venenata,

Apoplexia mentalis,

Apoplexia suffocata. Vid. Synopsis Nosol. Method.

vagesius, in sua *Leipothymiae*,* (quod nil, nisi aliud pro *syncope* vocabulum, est) descriptione, haec verba tradit : ‘ Superflite pulsus ‘ vigore,’—‘ pulsus plerumque manet illae- ‘ fus,’ &c.

XXIV. Ill. Cullenus, paucis in verbis, ‘ In apoplexia, cerebrum, in *syncope* au- ‘ tem cor, primario affectum esse, dicit.’ Quo ille principio *asphyxiae* auctorum varios casus ordinare suscepit. Sed nunquam mihi explicabile fuit, quomodo quidam ingrati sensus, vel animi adfectus, morbum primario in corde situm efficere possent (XXIII.), qui tamen inter *syncopes* frequentissimas causas esse, omnibus in confesso est.

XXV. Cel. Abbas Fontana, inspirato temere et imprudenter aëre inflammabili,
sympto-

* *Leipothymiam*, *leipopsychiam*, *syncopen*, *asphyxiam*, &c. diversa quidem esse nomina, unum autem idemque morbum, recordari oportet. Vid. Cul- leni opera varia et praelectiones.

symptomatibus *, quae ad syncopen omnes referent, prehensus est. Sed tamen, ut illustri Culleno placet, morbum hunc ad apoplexiam referre, 'cerebro primario affecto,' necesse videretur.

XXVI. Omnia morbi quae memoravi symptomata (ex I. ad VI.) in omni cuiusvis momenti re, cum eo, qui vulgo sub syncopis titulo describitur, convenire videntur. Quem morbum ex ratione, experientia, et auctoritate, eundem prorsus esse, ac is quem strangulatio facit (ex X. ad XVI.) ; quamvis, quantum novi, ad apoplexiam ab omnibus † est relatus, confirmare possum.

XXVII. Subitum profusumque gaudium syncopen, apoplexiam, electricitatis ictus vehementior, facere dicitur. Quae tamen causae nonne eadem ratione agunt ? Ecquis quam-

* Phil. Transact. vol. 69. part ii. ann. 1779.

† Cullen's First Lines, MXCV. et praelectiones, Bruherius, Wepfer, Littreus, Alberti, Boerhaave.

quamlibet in eorum opere differentiam vel conatus est ostendere ? Nonne, utraque, nimis excitando, suum quemque effectum producant ? Impulsu electrico cerebri, ut organi texturam non, quantum sensibus potest percipi, mutari, ex experimentis cl. Priestley certiores facti sumus *.

XXVIII. Quae dicta sunt, quare neque ad ‘syncopen occasionalem,’ nec ad ‘apoplexiam suffocatam,’ egregii Cullenii, morbum nostrum retulerim, ut spero, explicabunt. Ab his igitur collatis argumentis (XVII. ad XXVII.) simplicem hanc conclusionem deducamus ; quosdam esse morbos, quibusdam venenis, vaporibus nocentibus, strangulatione, submersione, ortos, qui, in rerum naturali cursu, ad id spatium, quod inter syncopis et apoplexiae *casus exquisitos* intercedit, occupandum, comparati sunt ;

* History of electricity. Vid. quoque, An account of the death and dissection of Professor Richman, in Phil. Transact. Vol. xlix. Part i. Ann. 1755, p. 68. Boneti Anatom. Pract. Lib. i. Sect. ii. Obs. l. ix. et l. x.

funt ; eosque omnes magnam quandam umbram, cujus partes inter se tantum modo et magnitudine, sed non genere, differunt, efficere.

XXIX. Dum igitur de submerforum asphyxia tractare profitemur, si quid solidi habent observationes nostrae, facile sic extendi possunt, ut omnes fere generis varietates comprehendantur.

XXX. Qui varii tamen adfectus non simili modo, nec iisdem remediis tractari debent. Is, qui coelitus tangitur, et is qui frigore torpet, eodem *funditus* morbo laborat, uterque a *debilitate* pendet, uterque in virium vitalium et animalium imminutione consistit ; solumque in hoc differunt, quod ille ab incitationis excessu, hic a potentiis recte debilitantibus, nascitur *.

XXXI.

* In animalibus aëre inflammabili, electricitate, aliisque potentiis nimis stimulantibus, necatis, musculi artusque

XXXI. Effectus tollendi ratio, aequae ac causae, variant necesse est. Nec a *generis* natura alienum est, ut partes, id constituentes, diversa, immo contraria, remedia requirant. Quis unquam morbos, curationis varietatis ratione habita, dividere et subdividere suscepit? Non ad syncopen neque apoplexiam removendam datur ‘*methodus felix una.*’

tusque omnes extremo gradu flaccidi et sequaces permanent.

C A P.

CAP. III.

DE PROGNOSI.

SECTIO I.

XXXII. **H**UJUS morbi prognos vel
eventus judicium in hoc
prope totum consistit, ut vitam inter et mor-
tem lineam ducere, et utriusque fines nota-
re, possimus. Vix iis, qui hujusmodi res
paulo attentius perpenderunt, monitu opus
est, maximos in arte viros hanc quaestio-
nem summa premi obscuritate profiteri ;
quo minus mirum videri debet, si juvenis
ego et inexpertus minus clare tam per-
plexum nodum solverim.

XXXIII.

XXXIII. Eandem mortis rationem vita, quam tenebrarum lux, habet. Quicquid illi contrarium demonstrari potest, huic convenit. Eoque nulla mortis investigandae via certior est, quam vitae propria quaedam considerare.

XXXIV. Vocabulum *vita* perquam incerto et indefinito sensu usurpatum est; paucique paulo clariorem ejus notionem animo conciperunt. A propositi nostri tamen alienum esset, si, in singulas, quae scriptores, alius aliam, tradere, definitiones animadverteremus. Prius vero quam ultro progrediamur, duo, pro datis quae nemo, ni fallor, negabit, praeponenda sunt. Primum, omnia in natura corpora aut viva aut mortua, esse necesse est, utpote quibus medius status nullus sit. Dein id, quod semel sit emortuum, in vitam resuscitari nullo modo potest.

XXXV. Quibus praepositis, ex iis quae huic (II.) aliisque corporis humani mor-

his propria sunt, certiusque ex animalium hybernantium historia, in cordis actione, sanguinisque inde motu, vitam nullo modo, ut medici vulgo * rati sunt, positam esse sequitur.

XXXVI. Ex iisdem principiis, similique ratiocinatione, vitam neque in sensu, neque in spiritu, neque in qualibet alia functione, positam esse, demonstrari potest; eoque omne mortis signum, cujuslibet harum actionum extinctione tractum, non solummodo fallax et falsum esse, sed et humano generi esse perniciiei potest.

S E C T. II.

XXXVII. Hoc in *animantium* historia maxime perpetuum est, quod omnes, ad motis quibusdam potentiis, quae *stimuli* metaphorice nuncupantur, motus et conatus edunt,

edunt, quae non modo nullo mechanico principio explicabilia sunt, sedet his omnibus principiis * repugnant. Haec stimulorum actionis suscipiendi *facultas*, quae animatam ab inanimi materia distinguit, et vitam mihi constituere videtur, tenacius a fibris muscularibus quam nervis retinetur. Subsit igitur vita, an desit ad dijudicandum, denudato musculo, varii stimuli admoveantur, et, quantum vitae sit, contractionis gradu cognoscetur.

XXXVIII. Neque tamen, licet nullus evidens stimulorum effectus percipiatur, ideo mortua animans judicanda est. Sensuum testimonium ad hanc quaestionem componendam non sufficere, tam ratio, quam observatio, persuadere debet. Multa animalium, multa plantarum vasa, se contrahendi proprietatis, tanquam eam periculis demonstrare

* Whytt's essay on the vital and other involuntary motions.

strare nequeamus, summo gradu praedita esse, pro certo habemus *.

XXXIX. Aliae animalium partes aliis ejusdem facultatis gradibus donatae sunt; eandem vitalia diutius, quam voluntatis instrumenta retinent; quinetiam, ut viri clari Whytt et Halleri experimenta docent, multo largius interior cordis et arteriarum, quam exterior superficies, possidet. Nonne igitur prosperius rectum vel uterus, quolibet alio cui aditus patet loco, stimularetur, ex analogia conjiciendum est †.

XL. Aqua in pulmones et ventriculum recepta prope exhaustam vim vitalem denunciat;

* Vid. Hales veg. stat.; et Whytt on the vital motions, &c.

† ‘Distinguitur *asphyxia hysterica* a morte, immisso in vaginam digito—motus quidam uteri percipitur—ad motis cantharidibus excitantur phlyctenae in hysterice, nullae in cadaveribus.’ Sauv. Nos. Meth. Class. vi.—XXIV.

nunciat ; cave tamen ne pro signo mortis indubio habeatur (Vid. VIII.).

XLI. Ut voluta ore spuma pessimum signum est ; tamen Hippocrates, qui eam certum mortis indicium esse pronuntiavit, erravit *.

S E C T. III.

XLII. Compluribus experimentis, et iis maxime a praeclaro viro Achard, academiae Berlinensis socio, factis, aër fixus celerius et certius, quam inflammabilis, necare dicitur. Quin et animalia ab iis vaporibus in periculum perducuntur, prorsus pro ratione, qua datam aëris puri portionem, contaminant, intelliguntur.

XLIII.

* Vid. de Haen, Rigerium, Morg. de causae fed. morb. lib. ii. de morbis thoracis, Ep. xix. n. 9. n. 36.

XLIII. Variis quae ipse in quadrupedibus institui experimentis, sed quae sigillatim enumerare limites tentaminis hujusmodi vetant, adductus, hanc magni in usu momenti observationem ; juniora, scilicet, animalia (caet. par.) quam natu' grandiores, ex submersione periculi minus adire, colligo.

XLIV. Experimenta quoque, in quadrupedibus et avibus a me facta, ea animalia, prout majores aut minores natu sint, citius aut ferius aërem purum contaminare ; eoque ex regula (XLII.) quam vir relatus Achard proposuit, eadem aetatis ratione ex noxiis vaporibus periclitare, fidem faciunt.

XLV. De Haenii de submersis et strangulatis animalibus experimentis, cum iis quae per vapores noxios, in antro canino et alibi instituta sunt, comparatis, illas multo exitiales quam noxios vapores esse ;
sed

sed hos tamen virium eclipsin citius efficere, concludendum est.

XLVI. Longe majorem vivarum quam mortuarum fibrarum, cohaesionem, omnes physiologi sint mirati *. Hinc certa vivi corporis cava, quae certos capere liquores, pro oeconomiae usu solebant, post mortem non amplius eo officio, fungi queunt. Per tunicas humores dimanant, tunicaeque ipsae flaccescunt. Hoc praecipue oculis accidere, notatur; eorum igitur inspectio vitam inter et mortem bonum satis diagnosticum praebet.

XLVII. Hae observationes simul adhibitae et perpenfae, plerumque ad propositam quaestionem (xxxii.) componendam sufficient. Verum, ne in hominum vita ludamus, exempla extare, ubi non solum alii, sed et prudentissimi medici, decepti sunt, oportet recordari. Hoc tam certum est, quam

* Confer pericula Halefii et Muschenbroek mortuo, cum his cl. Borelli vivo corpore facta.

quam metuendum. Ut experientia igitur, justitia, et humanitas fidem facit, fieri tamen posse credamus, ut, postquam peritia periculaque nostra, ad vitam detegendam, frustra tentata fuerint, adhuc tamen

— *Lateat scintillula forsan.*

C A P.

C A P. IV.

DE CAUSIS ET EARUM IN SYMPTOMATI-
BUS FACIENDIS OPERE.

S E C T. I.

XLVIII. **E** ADEM fere hominibus de
iis causis remotis, quae sensi-
bus manifestae sunt, sententia. Quum vero
effectus earum subtilius investigantur: Quum
ii, cum actionibus corporis de natura cujus
perpauci consentiunt, compositi conside-
rantur, imaginatio ludere incipit, et inde te-
mere assumptae opiniones, quam aegre su-
stentantur, saepe quoque refelluntur. Illa
ad communem rationem plura referendi
cupiditas, maxima sanae philosophiae pe-
stis,

ftis, in caufa fuit, ut literati generaliter, fpeciatim vero medici, ex paucis experimentis repentinās conclufiones traherent. Ita aliquis, nulla * in pulmonibus fubmerforū aqua reperta, (in tribus hominibus unoque cane periculo facto), eam nunquam reperiri; dum alii, e contrario principio, contrariam colligunt confequentiam.

XLIX. Inclytus Littre, ex aqua in ventriculum recepta morbum nafci, ratus eft; cum Louis, e contrario, aquae in afpera arteria dilatae, omnia morbi fymptomata effe tribuenda, academicis Gallicis perfuadere conatus eft †.

L. Harum mihi opinionum hiftoria humanae mentis imbecillitatis imago iufta videtur. Efto enim in omnibus cafibus, quod a veritate longe adverfum, vel ventriculus, vel uterque pulmo, repletus; non tamen eam praecipuam rem effe, nedum omnium
originem

* Beckerus de fubmerf. morte fine potu aquae.

† De l'incertitude des fignes de la mort.

originem quae sequuntur, concedendum est. Sed haec instrumenta modo aquam recipiunt modo non; et in neutro casu, mortem praecedentia variare percipiuntur*.

S E C T. II.

LI. Causa proxima, vel causa morbum continens, est debilitas maxime communis, mediate vel immediate a cerebro originem ducens. Vires corporis augere finis est et scopus, in quem omnia remedia diriguntur. Frustra enim motum stagnantibus imperitari humoribus conaremur, nisi prius agendi vis cordi communicata sit.

LII. Causa haec, ut facile videri est, pariter unicuique generis, ad quem morbus noster relatus est, varietati convenit: In
iis

* Vide De Haen, exp.

iis asphyxiae casibus, qui frigore, vaporibus, et quae similia sunt, nascuntur, recta causarum excitantium super genus nervosum actione, causa exoritur proxima. Conditiones intercedentes, quibus protinus in strangulationis et submersionis exemplis efficitur, nunc considerandae sunt.

S E C T. III.

LIII. Stimulantium potestatum actionem ad vitam excitandam et praeservandam, quis est qui his diebus dubitabit? Si vel totum hoc praesidium vel pars paulo memorabilior subducitur, ad inanimae materiae statum fere protinus recidimus. At maximum in stimulorum serie momenti officium humores circulantes, per eorum proprietates, copiam, superficiei que quem aluunt naturam (XXXIX.) fungendum, comparati sunt: Hinc haud absurde, fanaticus Helmontius,

Helmontius, sanguinem ‘balsamum et thesaurum vitae’ nominavit.

LIV. Si igitur, aut quomodo hujus humoris vitalis, aut relatarum ejus proprietatum, stimulus, adimatur vel pervertatur, ostendere potuero ; ipso hoc facto causam proximam constituero.

LV. Simul ac animans aliqua terrestris omni ex parte ab elemento liquido circumdatur, spiritus sistitur, et variae ab eo pendentes actiones non amplius peraguntur. Stiti igitur spiritus effecta in liberae, a physiologia, ejus utilitatis cognitione anquirenda sunt. Hinc ampla investigationis materia, quasi longe lateque patens campus panditur ; dolemusque paulisper, quod hujus rei natura altius agitare quaestionem prohibet, quae, ob ejus momenti magnitudinem, peritissimorum philosophorum medicorum studium in se convertit.

LVI.

LVI. Aërem in spiritu duplici proprietate gaudere, pro concessio sumemus, chemica scilicet et mechanica. Chemica certas in humoribus qualitates, quibus illi a mechanica vi aëris adjuti, ad tuendam vitam prae-parantur, efficit. De mechanica actione nunc quaedam proposuimus.

LVII. Humorū per pulmones circumfluentium copia multo major, quam pro ejus visceris rata portione, accommodata est. Hinc omne circulationis obstaculum pro ratione nocentius erit. Emissio spiritu, pulmonum vasa collabuntur et complicantur. Quo liberius igitur sanguis trahatur, omnes fibrae explicentur, omnia vasa extendantur, necesse est. Ad quod maximi momenti officium instrumenta respirationis a natura provida fungendum comparata sunt. Dum igitur pulmones expanduntur, libere sanguis profluit, venae cavae exinaniuntur, cerebrum subsidet, cordis contractiones accelerantur *.

LVIII.

* Vide Hall. Prim. Linn. Whytt's essay on the vital or other involuntary motions of animals, sect ix.

LVIII. Quo nostra hujus morbi sententia clarior sit, et conclusiones solidi plus habeant, pauca experimenta exponentur. Cum pulmones in statu expirationis servantur, difficile in vasa humores arte injiciuntur; cum illi instantur, hi facilius et copiosius vasa permeant. Cum vero justa respirationis imitatio peragitur, etiam liberius immissi humores in minima vasa perfluunt*.

LIX. Sic spirandi negotio considerato, a priore, ut aiunt, quae post suffocationem consequerentur, statuere posse speramus; scilicet, 1. Arterias inter et venas aequipondium tolli; 2. Aequipondium in has maxime inclinare, eoque cerebri venae sinusque distendi; 3. Univerforum fluidorum stagnationem paulisper sequi, igiturque omnium fibrarum tonum imminui (LIII.), aut deleri, vel, ut aliis utor verbis, causam proximam constitui, debere.

LX.

* Etmulleri Dis. Kaau Perspirat. Hippocrat. dicta sect. 160, 161, &c.

LXI. Si 2dam conclusionem cadaverum incisiones parum firmare objiciatur, rationes tamen supra (LVII-VIII.) propositas, constitutis physiologiae principiis nixae, in suspenforum et demerforum cerebra ante mortem sanguinem satis copiose congeri, fidem faciunt. Et quae alia coruscationum (XVI.), quas ad vitam post demersionem reduces, se vidisse testantur, ratio reddi * potest?

LXI. Quare in mortuo corpore non magna sanguinis vis in vasa cerebri congesta detegitur, hoc modo explicabile est. Licet inter cor et pulmones † proprius consensus, atque etiam mechanicus (LVIII.) quidam nexus, intercedat, aliquem, suppresso prorsus

* Immensum et splendidum jubar se vidisse testantur, homines ad vitam reduces, postquam strangulati aut sub aquis merfi fuissent; cohibita nimirum respiratione, venae capitis sanguine turgentes totum cerebrum, partesque nervosas quae in capite sunt, feriunt, comprimunt. Greg. Conf. p. 141.

† Vid. Hunter, in Phil. Trans. vol. 66.

prorsus spiritu, sanguinis motum tamen fieri certum, et saepius animadversum est *.

LXII. Si igitur pulmonum vasa in expirationis statu etiam manifesto pervia esse persistere, concedendum est, quoniam cor dextrum ultimum moritur, sanguinis venosi aliquid in sinistrum ventriculum, dum is in venas usque percitare humorem nequit, transfluere sequitur.

LXIII. Quinetiam, post mortem demersorum et strangulorum animalium sanguinem fluentem (VII.) plurimum moveri posse, morborumque symptomata minime ex mortuorum corporum incisione semper deprehendenda esse, haec magni Harvei observatio demonstrat.

LXIV. ‘Ego,’ inquit, ‘aliquando in cadavere humano noviter strangulato, intra duas horas a suspensione, aperto pectore

F

* Vid. Lower de Corde, Verheyen, atque Tractat, ingeniosi Hunter, loco supra citato.

'tore et pericardio, antequam faciei rubor
 'evanuerit, auriculam dextram cordis, et pul-
 'mones plurimum distentos et infarctos san-
 'guine, multis attestantibus, ostendi ; prae-
 'cipue vero auriculam, ad maximi homi-
 'nis pugni magnitudinem, turgentem adeo,
 'ut disruptam iri putaris. Quae moles, die
 'sequente, refrigerato penitus corpore, et
 'per alias vias cruore dilapso, detumescens
 'evanuerat *.'

LXV. Cumque sanguis qui in sinistrum
 cor recipitur (LXI. LXII.) non eam in vasis
 pulmonalibus mutationem, quae ad vitam
 tuendam (LVI.) idoneam reddit, subie-
 rit, ecce alteram mortis vel extremae debi-
 litatis (LI.) causam.

S E C T.

* De circul. sang. exerc. 3.

S E C T I O IV.

LXVI. Ad rationem pro maxima hoc morbo praevalente in massa sanguinis fluiditate (VII.) reddendam proxime conamur. Res, auctoribus licet intacta, parum tamen difficilis videtur.

LXVII. Aëris ad sanguinem extra vasa aditum, ejus coagulationem promoveri, ne-
tquam dubitandum est; cujus rei nullam
explicationem eo tentabo, quod ad propo-
situm nostrum veram eam et observatam es-
se, sufficit. Tenuem quoque pulmonum
membranam non sufficere ad mutuam aë-
ris et humorum inter se actionem prohi-
bendam, constat *. Unde sanguinem,
qui pulmonalem circulum transfluxit, ad
coeundum, cum caeterae pares conditiones
sunt, sanguine, qui illic mutationem non
subiit, (LXII.) promptiorem esse, colliga-
mus: Ergo sanguinem (quod observatio-
ni

* Vid. Halesii Haemastat. Priestley's Obs. &c. &c.

ni * convenit) omni in exemplo, ubi pro ullo sensibili temporis spatio, prius spiritus sistitur, quam circulatio, fluidum dissolutumque esse, necesse foret. Quae conclusio innumeris observationibus nititur. Ita sanguis venosus, quam arteriosus, licet hic majori motui quam ille, objicitur, minus tamen ad coeundum proclivis est †. Venae portae sanguis qui in tertio circulo agitatur, etiam minus quam venosus, ad coeundum promptus est ‡. Somniculosorum animalium sanguis per totum hyems tenuis dissolutusque permanet ||, quia circumfluxio quaedam sine respiratione aliquamdiu conservatur.

LXVIII.

* Vid. Lond. Med. Transf. vol. iii. p. 9.—Dr Langrish's phys. exper. on brutes, p. 66. 145.—Vid. Greg. Horstii junioris, op. tom. i. p. 136. 142.—In homine fumo carbonum necato, sanguis fuit solutus.—Sagar 555.—Morgagni de caus. et sed. morb. lib. ii. Ep. xv. p. 131. &c.—Boneti sep. lib. ii. sect. 1. obs. xviii. &c.

† Dr Stevenfon, Med. Es. Ed. vol. v. part 2. 332.

‡ Sanguis in embryo quam in matre fluidior est.—Martini Lister dissertatio de humoribus, cap. i. 14.

|| Lister. Maclurg's treatise on the bile. Hewson, &c.

LXVIII. Reliqua symptomata, in sensus, motus, caloris et similibus quae sunt, iactura consistentia, omnibus morbis in mortem terminatis communia, manifestiora sunt, quam ut ulla eorum hoc loco explicatione opus sit.

S E C T I O V.

LXIX. Cordis renovata actio (V.) a primaria *animantium* lege pendet; qua lege comparatum est, ut *facultatis*, supra (XXXVII.) relatae, copia, stimulorum in eam agentium copiae, contraria sit; siue illius quantitas ad hujus quantitatem in inversa proportionem semper existet.

LXX. Hinc fit, ut, postquam corporis actiones aliquando suspensae sunt, et stimuli communes, aliqua ex parte subducti, haec *facultas* paulatim crescat; eoque, etiam a superstitibus stimulis, actiones reintegrentur; immo, adeo verum et ad amissum justum principium supra (LXIX.) propositum

propositum est, ut si tota, quae antea fuit, stimulorum vis, in sic abundantem facultatem incumberet, deleta inversae proportionis ratione vita extingueretur (LXXIII.).

LXXI. Verum, haec *facultas* (XXXVII.) in corde, et arteriis, plusquam aliis corporis partibus (XXXIX.) abundat; unde, ut ratio aequae ac experientia (V.) docent, haec instrumenta prius excitari, quam alia corporis organa suam actionem exordiri, fatendum est. Sanguinis, in arteriis profluentis, stimulum, inservientes spiritui musculos in contractionem fuscitare, a pulcherrima viri cl. Whytt de ea re ratiocinatione, jamdudum demonstratum est.

LXXII. Quae supra proposita sunt, (LXIX. LXXI.) ad reduces animalium dormientium actiones, primamque spirandi originem explicandam, extendi proferrique posse, concludentes videmus; sed res hujusmodi altius agitare, longe ultra fines propositos perduceret.

CAP. V.

DE MEDENDI RATIONE.

SECTIO I.

LXXIII. **T**AM narrativa quam rationali argumenti parte finita, paucis et communibus de curatione observationibus, chartam demum concludam. Ex tota hujus morbi quam absolvere sumus conati contemplatione, omnem in apte stimulando curationem versari, fatendum est. Cum vero exempla occurrenda sint, ubi cerebri vasa distensione premantur, caute et prudenter insistendum est. Summopere et asperius excitantes potestates non unicuique casui conveniunt; atque, quum signa vitae redeuntis primum adpareant, summa
cum

cum sollicitudine remedia ad productas vires accommodanda sunt *.

LXXIV. Cum morbus generalis sit, ea igitur remedia, quorum vis ad universum corpus aequae pertinet, oportet administrari ; ii igitur stimuli, qui intimos corporis recessus penetrandi facultate pollent, prae caeteris omnibus in hoc casu requiruntur ; nec magna quidem horum varietate opus est, cum potentissimorum pauci, qui simul administratu et intra debitos fines cohibitu faciles, praecipue requirendi sunt. Hujusmodi videntur esse, *aër, calor, et electricitas* ; quorum haec maxime penetrabilis et facillime moderata omnium, quae novimus, auxiliorum, esse videtur. Si M. Abilgard prudente hujus unius remedii administratione, propè pro arbitrio vitam in multis animalibus suspendere et suscitare potuisset, quid ab eo nobis non sperandum est ?

LXXV. Aër non solum mechanica proprietate in actionibus, quae ab alterno thoracis

* Fothergill's hints on suspended animation, p. 23.

racis sustinendis (LVII. LVIII.) sed et qualitate valde stimulatrice imbutus, aestimandus est; inde fit, ut commoda fere incredibilia ex idonea, in variis asphyxiae casibus, spiritus imitatione, non raro obtinentur.

LXXVI. Cum aëre ad pulmones inflandos adhibito, alkali volatilis, moschi, camphoris, vel alii cujusvis remedii stimulantis, vapores, ex experientia vitae minime obnoxii vel inimici reperti, commisceri possunt.

LXXVII. Manifestus nervos olfacientes et inservientes spiritui musculos consensus intercedit; ob quam causam, naribus, non ore, vapores stimulantes ultro citroque transmittendi.

LXXVIII. Caloris in mundi symphonia servandi vis, et ad *animantium* tuendam vitam necessitas*, magis notae sunt, quam

G

ut

* ‘ Regio prophetae Davidi jam ob senectutem refrigerato, puellam optimi habitus bonique temperamenti

‘ aditam

ut ulla nobis sit immorandi causa. Quod ad morbum nostrum attinet, solum hoc observari volo, scilicet, si *balneum* melius quam ficcus calor succedat, majorem ejus virtutem in subita stimuli per corpus diffusionem positam esse, judicarem; sanguinis enim coagulum, quod resolvere existimatum est, nullum esse monstravimus (VII et LXVI.); aut, si esset, quomodo id a balneo tolleretur, deprehendere non possum.

LXXIX. Cum ii stimuli nobis inter manus sint, cur remediis, in partes solummodo agentibus, opera consumatur? Pretiosum nunc tempus est. Horae momentum vitam inter et mortem discindit. Inter haec tamen communia auxilia utenda, aliquos minorum stimulorum, cujusmodi sunt frictio, punctura, scarificatio, corporis agitatio,
lux

‘ aditam fuisse legimus, non prolis generandae causa,
 ‘ quia testatur scriptura eandem non agnoverat, sed potius,
 ‘ ut hujus beneficio calor ipsius insitus foveatur.
 ‘ Greg. Horst. Jun. op. tom. i. p. 140.

lux et sonus*, humoris calidi et penetrantis in ventriculum et anum emissio, experiri haud alienum effret.

LXXX. Iteratis constat experimentis, cor, immixtis in cava lenissimis humoribus, quam extrinsecus ei meracissimis acidis admotis, in vehementiorem actionem concitari †. Postquam igitur omnia alia remedia frustra tentata fuerunt, nonne, calidum sanguinem, aut alium quemvis leniter stimulantem humorem, intus animalis vasa transfundere oportet? Periculum, quod a tali remedio metuendum, cum morbi ipsius periculo et commodis quae illud adferre potest, conferatur.

* ' Unde putatis inventos tardos funerum apparatus? Unde quod exsequias planctibus, ploratu, magnoque semper inquietamus ululatu? Quam quod vidimus frequenter post conclamata suprema redeuntes.'—Fabius.

† Peyer's Parerg. 7. p. 199.—Additamenta ad Peyer's Parerg. 201.—Bruneri experimenta circa pancreas.—Haller (acta Gotting. v. i.).—Whytt's Essay on the vital and other involuntary motions.—Wepfer de cicuta aquat.

conferatur. Si haec illo majora forte videantur ; non solum licet medico, sed officii est, ad remedium etiam ' cum temeritate quadem' decurrere.

*QUÆ dicenda erant absolvi. Si in prae-
cipuis operis propositis parum ad sententiam
cessi, sera nunc excusatio esset ; si contra, can-
didum legentem (incoepti magnitudine et
difficultate perpensis) minoribus culpis men-
disque*

— quas aut incuria fudit,
Aut humana parum cavit natura,

Veniam daturum, sperans fidenisque concludo.

F I N I S.



